



# पोशमाल






## पोशमाल

ओं

शारिका देवी जी के प्रादुर्भाव - दिवस पर गुरु महाराज के अनुग्रह से तथा देवी जी के आशीर्वाद से अपनी तोतली भाषा में मैंने यदा कदा श्रद्धा का एक एक सुमन उनके चरणों में प्रस्तुत करने का साहस किया। मां की प्रसन्नमुद्रा देखकर उनके परमधाम प्रस्थान करने पर मैं इन सुमनों को माला में पिरो कर अर्पण कर रही हूँ।

‘दास’  
कमला भागती







जय जय, जय—जय शारिकायि हन्दि ज्यनय

गटि मंज गाश आव चाने ज्यनय  
जय जय जय-जय शारिकायि हन्दि ज्यनय ॥

कलियोगस मंज दोरुथ अवतार  
द्राव नोन पान ज्ञानुक ओंकार,  
बगरोवुथ यति भक्ति धनय ॥  
जय जय.....

प्रकाश पनुनुय यलि त्रोवुथ  
दुर्गा-रूप पनुनुय होवुथ  
सोन संज लब गय चानि दर्शनय ॥  
जय जय.....

आश्रमस मंज प्रजलान चन्य ज्योति,  
गुप्तरूप विहिथ पान सरस्वती,  
भक्ति पूजान छिय पादि कमलनय ॥  
जय जय.....

जगतस करिथ च्य पान उपकार,  
फुचिमन्नय नावन दितुथ तार  
वन कोताह सामर्थ छुमन वनय ॥  
जय जय

देह त्रावुनुक यलि कोरुथ संज,  
रुजख गुरु सन्दिस ध्यानस मंज  
पनन्यन भक्त्यन दितुथ दर्शनुय ॥  
जय जय.....

सूजनख गुरुदेवन परमधामस,  
खरनख सोन संदिस विमानस  
पोश लग्नय पान भगवाननय ॥  
जय जय.....



स्वर्गदारस वचख यति असि प्रारान  
लोलुक ओश धारि-धारि हारानं,  
सोन ओश अर्पण चरणनय ॥  
जय जय.....

अन्तिम दोहन करथस बति याद,  
सूजथम पान टोठ आशीवाद ।  
हृदयस मंज थोवुम सु मज्य क्या वनय ॥  
जय जय जय-जय शारि कारि हन्दि ज्यनय ।

### मज्य शारिकय

अज असि पनुन भक्ति भाव हयथ आय,  
मज्य शारिकय मज्य शारिकय ।

अजहय छिय सरी पूजा करान,  
सारिनय छख पान दर्शुन दिवान ।  
आशायि सान सरी शरण आय  
मज्य शारिकय मज्य शारिकय ॥

भावपोश ब्ययिहय प्रणाम सूजमय,  
भक्तिभावुक स्तन दीप सूजमय ।  
पंपोशि पादन सुय आलवहय,  
मज्य शारिकय, मज्य शारिकय

यिमन च्योन अनुग्रह, तिमन टोठान,  
अन्नपूर्णा अन्न त धन बगरान ।  
लोलपोशमाल हयथ सरी आयि,  
मज्य शारिकय, मज्य शारिकय ॥

वरियस छस सोम्बरावान पोश,  
प्रार्थना छय मज्य मय मय जाह रोश ।  
सूति सूति रोजतम सीर बय भावहय,  
मज्य शारिकय, मज्य शारिकय ॥



कोमल, अथ छहम प्यठ थावान,  
सरी दुःख त धदी छिम बलान ।  
चोन अथ चन्दुनक शेहजार हय,  
मज्य शारिकय, मज्य शारिकय ॥

पादन हँज छसय भक्ति मंगान,  
छस मूर्खा छुम मा मंगुन तगान ।  
पाद चन्य खोनिमंज ललनाव हय  
मज्य शारिकय, मज्य शारिकय ॥

दिलि मंज अज असि पूजा करान,  
कन दरिथि छख मज्य बोझान  
कर दया छिय असि हलम दरि दरी ।  
मज्य शारिकय, मज्य शारिकय ॥

### लोल-पोश

लोल ओश हय छुम वसान दारि दरी,  
डेढितल प्रारहय शनिब्ररी ।  
असि दियुत दर्शुन श्री शारिकाये,  
लोल पोश लागोय पुजाये ।

सोपोरि हँन्दि दोरुथ अवतार  
ओसुय दियुनु असि भवसर तार  
कुस ज्ञानि अथ चानि लीलाये  
लोल पोश लागोय पूजाये

राधा मालि निश हयोतुथ जन्मय  
होवथस दीवीरुप पनुनुय  
चानि प्रकाशि गाश आव जायि जाये  
लोल पोश लागोय पूजाये

ज्ञानवान गरि जन्मस आयख  
तपस्या करनि इश्वर आयख  
राजसी त्रेविथ आयि गुप्तगंगाये  
लोल पोश लागोय पूजाये

नाव छुय शारिका जगतुच मजी  
भक्ती चन्य यस मनस वुजी  
दूर छे गछन तस विपदाये  
लोल पोश लागोय पूजाये

पम्पोशि नेथर छिय शूभान  
असि मूर्खन ज्ञानच वथ हावान  
असि अज्ञेनियन चोनुय साये  
लोल पोश लागोय पूजाये

पम्पोशि पाद चन्य कत्याह सुन्दर  
थावत यिम म्यनिस मनस अन्दर  
म्यनि प्राण अर्पण चानि शोभाये  
लोल पोश लागोय पूजाये

कन धारत वुन्य म्यान्यन नादन  
कोमल कोताह छुय चोन मन  
आश छम चनी करत म्योन पाये  
लोल पोश लागोय पूजाये

यिम सफेद वस्त्र छिय शूभान  
चानि शोभायि सत्य आश्रम प्रजलान  
चानि दर्शनची छम म्य माये  
लोल पोश लागोय पूजाये

कोताह थोद छुय चोन अधिकार  
दित म्यानि नाविवुन्य पानय तार  
भक्ति भाव चोनय छु जायि जाये  
लोल पोश लागोय पूजाये

मनकि पोश लागहय पादन  
शीतलता तिमन नागरादन  
भावपोशहय लागय पजिमाये  
लोल पोश लागोय पूजाये

पाठ पूजा ब माँ केहंति ज्ञानय  
अनुग्रह करतम वुन्य पानय  
ज्ञान गछान चानी कृपाये  
लोल पोश लागोय पूजाये

### अज पादन लगय ब परि परिये

रय्य छु अज मैज होर जूनपछिकुय  
दोह छु अज चानि जन्मुकु य  
भावक्य पोश हय्य आमत्य सरी  
पादन लगय ब परि परीये

राधा मालि निश आयख जन्मस  
राज योग ओस तमि मूय करमस  
छखं जिया लालन्य राजकुमारी  
पादन लगय ब परि परीये

राजसी त्रवथ छोडथन भगवान  
तपस्यायि लोगुथ पनुनुय पान  
दयिनावय वुछ्छथ चोवा परी  
पादन लॅगय ब परि परीये

गुरु पूजायि लोगुथ तन त मन  
संसार जोनुथ छु सोरुय भ्रम  
सोपोरि हँदि आयख अवतरी  
पादन लगय ब परि परीये



खोड़ अभिमानय चेय त्रोवुथ  
गुरु सुन्द नावैय शूभरोवुथ  
कुस हयिक गज्ररिथ गुण चन्य सरी  
पादन लगय ब परि - परीये

जगतस आयख च पालनहरी  
भवसर तरिथक भखत्य सरी  
बोज्ञान छख भत्यन हैज जरी  
पादन लगय ब परि परीये

अख रुप छुय पानय सरस्वती  
कुज्ञान छिय पानय ज्ञानकि फोती  
अज्ञेनी प्रारान हलम दरि दरी  
पादन लगय ब परि - परिये

नाव छुय शारिका शाम - सुन्दरी  
पूजि लागय अज पोशि गोन्दरी  
असतुन मोख छिय वुछान अज सर्  
पादन लगय ब परि - परीये

छस अज्ञनी मज वथ हावतम  
दूर छुम मँजिलस वातनावतम  
भक्ती हैज कास्तम नादरी  
यादन लगय ब परि - पेरीये

अज छसय मँगान यहोय वरदान  
दितम वुन्यम्य यादन हुन्द ध्यान  
चलिहेनम दुख दधि वुन्य सरी  
पादन लगय ब परि - परीये

## ईश्वर आश्रम चोन बोड़ दरबार

ईश्वर आश्रम चोन बोड़ दरबार  
शारिका दीवी छुय जय जयकार

अज्र मंजहोर दोय जन्मध्यनचोन  
लेखत अज्र पानय सोन कर्मलोन  
ईश्वर स्वरुपन दितुय आधिकार  
शारिका दीवी छुय जय जयकार

सोपोरय्न होवुथ पान चमत्कार  
घर बनोवथक दीवी हुन्द द्वार  
करनि आयख सान्यन पापन संहार  
शारिका दीवी छुय जय जयकार

अज्रिकि दोह छिय यिवान शरण सरी  
लागान छिय पोश जरी - जरी  
भखत्यन छख वनान भखती हुन्द सार  
शारिका दीवी छुय जय जयकार

असि अस्य करिमत्य रत्य कर्मय  
कलियोगस मैज्र हितुथ जन्मय  
चोनुय महिमा छु अपरम्पार  
शारिका दीवी छुय जय जयकार

आश्रमस मैज्र बिहित छख शोभायिमान  
ज्ञानक्य अम्बर छख अज्र बगरान  
दुर्गा रुप छख सहस प्यठ सवार  
शारिका दीवी छुय जय जयकार

मज्य कोताह छुय च्य शीतल स्वभाव  
सारिनय छख करान च कुनुय भाव  
अज्रिकि दोह बोज्र मज्य म्योन ज़ारपार  
शारिका दीवी छुय जय जयकार

मँगान छसय वुन्य यिहय वणी  
गँजराव ह ब यिम गुण चनी  
यहय प्रार्थना करतम स्वीकार  
शारिका दीवी छुय जय जयकार

## मज्य शारिका दिम भवसर तार

कूठ कोताह वुछम्य ज्यूठ संसार  
मज्य शारिका दिम भवसर तार

मज्य आयख पानय असि रछिने  
पापन सान्यन नाश करन्ये  
चोन अथ प्यठ छु - असि शेहजार  
मज्य शारिका दिम भव सर तार

अज्र मंजहोर द्वोय जन्म दिन चोन  
लेखतम वुन्य म्योन नोव कर्मलोन  
खोट्यन कर्मन करतम वुन्य संहार  
मज्य शारिका दिम भवसर तार

आयख जगतस पालना करने  
ब्ययि सन्य दुःख - त संकट हरन्ये  
चानि अनुग्रह सत्य लागि असि - तार  
मज्य शारिका दिम भवसर तार

वुन्य दितम पादिकमलन हैज्र भक्ती  
छस कर्महीन छमन केहति शक्ती  
चेय रोस कंसि निश वननस न वार  
मज्य शारिका दिम भवसर तार

छुम ज्यूठ मैज्रिला वथ वुन्य हावतम  
यमि मोहजाल मैज्र वुन्य कइतम



यीर छम नाव गमन्न दितम तार  
मज्ज शारिका दिम भवसर तार

छखना पानय चय दयावान  
छसय मैंगान यहोय वरदान  
छस मूर्खा किथ पठय लगिम तार  
मज्ज शारिका दिम भवसर तार

मज्ज छुम वुन्य चोनुय आसरय  
यिनु ज्राह मशिरावहम - ब क्या करय  
मटि छुय सोरुय म्योन व्यवहार  
मज्ज शारिका दिम भवसरतार

छस कंडयन मैज प्येमुच कमजोर  
भक्ती बल दितम छुमैन काँह सोर  
अपजुय वुछुम यि सोरुय संसार  
मज्ज शारिका दिम भवसर तार

यलि यलि छुम म्य सैकट यिवान  
पम्पोशि पादन छसय शरण गछान  
यिम नाद बोजतम यीतनय आर  
मज्ज शारिका दिम भवसर तार

मज्ज छन अवगुण जाहति गज्जरान  
गरि गरि रोज्ञान लोल बगरान  
माजि हुँन्द अथ प्यठ बोनिशेहजार  
मज्ज शारिका दिम भवसर तार

न्यथ करहय ब पूजा चनी

मज्ज बोजतय यि प्रार्थना म्यनी  
न्यथ करहय ब पूजा चनी

मैजहोर दोय अज्र जन्मध्यनचोन  
भक्ति भावुक छुय प्रणाम म्योन  
सूजमय प्रणाम छम कृपा चेनी  
न्यथ करहय ब पूजा चनी

ध्यानस मैज म्य मन ठहरावतम  
मनुकुय पम्पोश वुन्य फोलरावतम  
मजी छे दिवान अमृत वणी  
न्यथ करहय ब पूजा चनी

मजी आसान शुरिय हुन्द ओल  
माजि हुन्द हियुह कस आसि लोल  
डुल गछि गछि मजी थोद तुलनी  
न्यथ कर हय ब पूजा चनी

मज्य बोजतम बुन्य यहय विनती  
दितम पादन हजय वुन्य भक्ती  
अशवानि सुत्य छेल सुन्दर पाद चनी  
न्यथ करहय ब पूजा चनी

यस त्रावान छख पनुनुय प्रकाश  
तस यिवान पानय अनि गटि गाश  
महाकाल तिछु तस दूर रोजनी  
न्यथ कर हय ब पूजा चनी

प्रथ सात रोज हय शरण पादन  
अज्र रति दोह दितमम्य साधन  
छुम माँ मैगुन तगान छस अज्ञनी  
न्यथ करहय व पूजा चनी

रोजान छख ईश्वर आश्रम थानस  
भगवान सून्दि सय मैज ध्यानस  
भक्त्यन गालान छख पाप प्रनी  
न्यथ कर हय ब पूजा चनी

चानि भक्ती हैज छम म्य प्रीती  
दूर छस टाछर चोन छुम सूती  
छुम यि चोनुय अनुग्रह यिवनी  
न्यथ करहय ब पूजा चनी

### पूजा करव श्री शारिकाये

अज्र मैजहोर द्वेयि जन्मस आये  
पूजा करव श्री शारिकाये

दीवी आयि त्रोवुन पान प्रकाश  
अरत्यन अनाथन आव तन गाश  
-सोपोरि हन्दि गरि जन्मस आये  
पूजा करव श्री शारिकाये

जन्मस आयि पानय राजकुमारी  
त्रेविन मोह त बन्धन सरी  
ईश्वर आश्रम रोजनि आये  
पूजा करव श्री शारिकाये

गुरु पूजायि लोगुन तन मन  
सत कुल तरिन सोपोर्यन  
भक्ति भाव अमिसुन्द जायिजाये  
पूजा करव श्री शारिकाये

जन्मस आयि पानय सरस्वती  
पादन लागोस अज्र पोशि फोती  
सरस्वती असी वथ हावुनिआये  
पूजा करव श्री शारिकाये

दीवी त देवता छि - अज्र पूजा करान  
तीज्र सोस्त रुपय छुस प्रजलान  
पान ईश्वस्वरूप छुस दयाये  
पूजा करव श्री शारिकाये



आश्रमस मैज बिहिथ छे शोभायिमान  
प्रभा जी ति छस पूजा करान  
असि सारिनय माजि हुन्द साये  
पूजा करव श्री शारिकाये

मज्य बोझ अज सन्य यि प्रार्थना  
दिलि मैज असि करान आराधना  
लोल पोश छिय लागान पूजाये  
पूजा करव श्री शारिकाये

छख पानय न्नय आदि - शक्ति  
दितम चरणेण हँजय भक्ती  
चनी भक्ती छम बोड साये  
पूजा करव श्री शारिकाये

रछतम पादन तल वुन्य पानय  
पाठ पूजा ब मा केहति जानय  
भाव पोश लगिमय अज पूजाये  
पूजा करव श्री शारिकाये

हलम दरि दरि छि सरी प्रारान  
भखत्यन छख पनुन अथ डालान  
मज्री रोजान गरि गरि दयाये  
पूजा करव श्री शारिकाये

### जन्म दोह छुय शारिका शाम सुन्दरे

जन्मदोह छुय शारिका शाम सुन्दरे  
मज्य वुजनावतम वुन्य निन्दरे

अजिकि दोह दोरुथ दीवी अवतार  
आयख द्राव नोन परमारथ सार

छुय वुजान ज्ञान मनि अन्दरे  
मज्य वुजनावतम वुन्य निन्दरे

रय्थ छु अज्र मैज होर जूनपछि कुय  
दोह छु अज्र चाने जन्मुकु य  
पूजि लागय अज्र कुँग चन्दन सिन्दरे  
मज्य वुजनावतम वुन्य निन्दरे

नाव छुय शारिका शाम सुन्दरी  
पादन लागय अज्र पोशि गुँन्दरी  
तिम पाद पूजय मनि अन्दरे  
मज्य वुजनावतम वुन्य निन्दरे

चानि यिन आव धर्मुक व्यस्तार  
मज्य छुय सोन अज्र जय जयकार  
गुरु भक्ती छय मनि अन्दरे  
मज्य वुजनावतम वुन्य निन्दरे

दितम वुन्य पादन हंज स्मरण  
गछिहे शाद म्योन मूर्ख मन  
पूजा करहख मनि अन्दरे  
मज्य वुजनावतम वुन्य निन्दरे

नारस छख चय छवरावान  
चन्दनच शीतलता त्रावान  
नागन छु पोन्थ वुजान अन्दरे  
मज्य वुजनावतम वुन्य निन्दरे

पाद चनि रटिमय नाद लायय  
सनतापचि छख म्योन सायय  
माजि हुँन्द सायि नागराघ अन्दरे  
मज्य वुजनावतम वुन्य निन्दरे

कन धारतमी मज्य चिमन नादन  
म्यनि प्राण छिय पोश लागय पादन  
धूपत् दीप आलवय शाम सुन्दरे  
मज्य वुजनावतम वुन्य निन्दरे

रज्ञा छख पान रानि ब्रेरी  
भक्ती हज्ज छम म्य नादरी  
दितम भक्ती - धन मनि अन्दरे  
मज्य वुजनावतम वुन्य निन्दरे

अथ प्यठ थावतम वनिमय ज़ार  
कंसि निशि मा छुम वननस - वार  
मज्यी सीर थावन मनि अन्दरे  
मज्य वुजनावतम वुन्य निन्दरे

## मज्य श्री शारिका भगवतिये

सूजिमय यिम पोश लव हतिये  
मज्य श्री शारिका भगवतिये

यथ दोहस चेनिस असस प्रारान  
तन वोतुम यिम पोश चारान  
चानी भक्ति सूत्य फलिमतिये  
मज्य श्री शारिका भगवतिये

दोरुथ शारिका रुप पान अवतार  
दुर्गा रुप छख सहस प्यठ सवार  
शक्ती रुप छख पानय सतिये  
मज्य श्री शारिका भगवतिये

कोताह छुय च्य शीतल स्वभाव  
असवनि मोख करान सारिनय भाव



पान बगरान अज्र ज्ञानकि फतिये  
मज्य श्री शारिका भगवतिये

तपस्या करथ शैकर सैज्र पानय  
आश्रमस मैज्र सो - पान रोज्ञानय  
शक्ती रूप छख पान सतिये  
मज्य श्री शारिका भगवतिये

गुरू सैज्र कृपा छय सूत्य सूती  
मनसूय मैज्र छय दज्ञान जोती  
न्यबरिम व्यवहार करान भगवतिरे  
मज्य श्री शारिका भगवतिये

कन्नाह छख पान थज्र गुणवान  
असि मूर्खनय छुन सुय ज्ञान  
साधारन रुप रोज्ञान भगवतिये  
मज्य श्री शारिका भगवतिये

बोड़ सागर छख दीवी पानय  
सारिनय हुन्द व्यवहार वुछनय  
पानय सोरुय ज्ञानान भगवतिये  
मज्य श्री शारिका भगवतिये

गंजरावह गुण चन्य छमन सामर्थ  
मजी हावतम वुन्य रच वथ  
पम्पोशि पादन करय नालमतिये  
मज्य श्री शारिका भगवतिये

अथ प्यठ थावतम वुन्य पानय  
पाठ पूजा ब मा मज्य ज्ञानय  
माजि हुन्द शेहजार चन्दनकि फतिरे  
मज्य श्री शारिका भगवतिये

## ‘मज्ज शारिका दितम अनवरी’

मज्ज शारिका दितम अनवरी  
अज्ज लागहय पोश चरि चरी

छुय अज्ज जन्मदोह पूजा करहय  
भावके अशिवानि पाद छलहय  
करतम अनुग्रह बोज्जतम जरी  
अज्ज लागहय पोशं चरि चरी

छिय अंदि अंदि पोशन हैंदिसाम  
आश्रम सुय मैज्ज चोन विश्राम  
चानि दर्शन न्नलान दुख दध्यदि सरी  
अज्ज लागहय पोशं चरि चरी

मनकि पोश सूज्जिमय करतम स्वीकार  
फुचिमचि नावि म्यानि लगिहेम तार  
मत मशिरावतम बोज्जत म्यानि जरी  
अज्ज लागहय पोशं चरि चरी

चनिस जन्मदोहस वन्नस न ज्राह  
बति करहय पादन पूजाह  
भक्त्य छिय यिवान अज्ज शरण सरी  
अज्ज लागहय पोश चरि चरी

पान दीवी दया अज्ज सारिनय करान  
पान अन्नपूर्णा नवीद बगरान  
भक्ती धन हयथ नेरान सरी  
अज्ज लागहय पोश चरि चरी

गुण गँजरावहय व्यन पोश लागहय  
दितम सामर्थ सोय पूजा करहय  
यचकाल गोम वुन्य प्ररि - प्ररी  
अज्ज लागहय पोश चरि चरी

गुण गँजरावहय व्यन पोश लागहय  
दितम सामर्थ सोय पूजा करहय  
यचकाल गोम वुन्य प्ररि - प्ररी  
अज लगहय पोश चरि चरी

ईश्वर स्वरूप आसान ध्यानस मंज  
मज्य छख धारान नादान कन  
होखरावान छख असि अशिटी  
अज लगहय पोश चरि चरी

यिमहय ब शरण पादन तल  
मनकी मुशिकिल करहम हल  
भक्ती मंगहय हलम दरि - दरी  
अज लगहय पोश चरि - चरी

दूर छस मज्य कर तम याद  
खोनिमँजलिस ललवय पाद  
कोस पूजा करय छस आयेरी  
अज लगहय पोश चरि - चरी

## भक्ति भावुक अस्य करान - कीर्तन

शारिका दीवी छु अज जन्मध्यन  
भक्ति भावुक अस्य करान कीर्तन

मज्य शारिका सूजमय पोशिमाल  
छय यि म्यनि भक्ती हंज पोशिमाल  
यहोय भाव म्योन छुय अज अर्पण  
भक्ति भावुक अस्य करान कीर्तन

मँजहोर दोयि त्रोवुथ प्रकाश  
सोपोरि हँदिसय गरस आवगाश



त्रोवनख प्रकाश पान सिरियन  
भक्ति भावुक अस्य करान कीर्तन

माता पिता चन्य असि पान ज्ञानी  
आराधना असि करान तिम च्यनी  
तार तरितख तिम सतन ज्रन्मन  
भक्ति भावुक अस्य करान कीर्तन

प्राय हख दीवी प्योख शीतल प्रभाव  
शारिका दीवी कोर हय नाव  
नाव ल्यूखनय पानय भगवानन  
भक्ति भावुक अस्य करान कीर्तन

मातायि वनिनय च्य ज्ञार कती  
असय च्य भगवान सेंज प्रीती  
आयख ईश्वर स्वरूपस शरण  
भक्ति भावुक अस्य करान कीर्तन

पानय लोबुथ गुरुदेव सुन्द द्वार  
चान्यन लीलायन छुय नमस्कार  
भावकोसम लाग हय ब पादन  
भक्ति भावुक अस्य करान कीर्तन

ज्ञानवान गरि आयख अवतरी  
नाशस करिथ पाप सन्य संरी  
अनुग्रह छख करान बे सहारन  
भक्ति भावुक अस्य करान कीर्तन.

आश्रमस मैज छख शोभायिमान  
ईश्वर-स्वरूपस पूजा करान  
च्यानि दर्शन सूत्य छु गछान शुद्ध मन  
भक्ति भावुक अस्य करान कीर्तन

ज्ञानचि माला छय छुनिथ नली  
कांहति छुन नेरान च्य निश खली  
गाश हावान छख गाशि रसित्यन  
भक्ति भावुक अस्य करान कीर्तन

मनसुय मैज छख भगवान स्वरान  
ब्ययि सौरुय व्यवहार करान  
सुय पय छुन असि ति नादानन  
भक्ति भावुक अस्य करान कीर्तन

कोमल मन छुय छख दयावान  
प्रभाजी ति छय पान पूजा करान  
ब्यनि असिथ सोति चयि शरण  
भक्ति भावुक अस्य करान कीर्तन

चानि भक्ती हैज छम म्य प्रीती  
रोजतम वुन्य म्यं सत्य सूती  
चानि भारगाहि क्या गछि कम  
भक्ति भावुक अस्य करान कीर्तन

यिम सफेद वस्त्र छिय शूभान  
असवनि मुख असि दृष्टि त्रावान  
पान सरस्वती दिवान दर्शन  
भक्ति भावुक अस्य करान कीर्तन

‘कन धारतय म्यान्यन नादन’

मां शारिका देवी के शुभ जन्मदिवस पर पुष्प - भेंट—1987

मज्य शारिकय, अज्र छुय जन्मदिन,  
कन धारतय म्यान्यन नादन ॥

चनिस जन्मदोहस असस ब प्रारान,  
मनसय मंज भावपोश न्नारान ।  
अज्रहय लागय यिमय दोन पादन ॥  
कन धारतम.....

सूजिमय यिम पोश ब्ययि ज्ञारपार,  
करतम मज्य यिमय स्वीकार ।  
थावतम म्य अथ प्यठ यियम साधन ॥  
कन धारतम.....

ईश्वर आश्रम छु दरबार चोन,  
दिवान छख दासन शुभ दर्शोन ।  
बगरान अज्र पान भक्ति धन ।  
कन धारतम.....

मज्य छख पानय शिव शक्ति,  
दिवान दासन अज्र भक्ति  
पान गुरुदेव वुछान चनी गुण ॥  
कन धारतम.....

थज्र शक्ति चोन बोड़ अधिकार,  
लोचरावतम पापन हुन्द भार ।  
दितम शन्ति छुम चंचल मन ॥  
कन धारतम.....

कोताह थोद छु माजिहुन्द शेहजार,  
मजि यतरान शुर्यन हुन्द भार ।  
थोद तुलान तिमन यिम पथर प्यन ॥  
कन धारतम.....

मज्य लोल छुम आमुत म्य चोन,  
दितम अज्र असवनि मुख दर्शोन ।



करहय प्रणाम पम्पोशि पादन ॥

कन धारतम.....

डेढ़ि तल प्रारय मंगय भक्ति,  
बलहीन छस दिम मंगनच शक्ति,  
चनी भक्ति छुम म्य बोड़ धन ॥  
कन धारतम.....

छस अज्ञनी ब्ययि बेकस,  
चेय रोस्तुय मजि वन कस ।  
गम सूती भरिथ छुय म्योन मन ॥  
कन धारतम.....

सीर पनुनय भावहय वुन्य चे  
करतम मज्य सुय वुन्य अनुग्रह ।  
पादन तल यिमहय वुन्य शरण ॥  
कन धारतय म्यान्यन नादन ॥

## पंपोश लागय पूजाये

जन्मदोह छुय अज्र श्री शारिकाये,  
पम्पोश लागय अज्र पूजाये ॥

गनेमच छम मनस यिहय कल,  
प्रारह अज्र तती चानि डेढ़ि तल ।  
दर्शन चानिची छम म्य माये ॥  
पम्पोश लागय अज्र पूजाये ।

भक्ति पनन्य ब्रोठकनि थावहय,  
लोल पोशमाल नत्य त्रावहय ।  
आलवय मुश्क कोफूर पजिमाये ॥  
पम्पोश लागय अज्र पूजाये ।

अवतार दोरुथ पान सोपोरप्प,  
जूनि हुन्द प्रकाश प्यव तारक्कन,  
जन्म दयुतनय श्री राघाये ॥  
पम्पोश लागय अज्र पूजाये ।

राजघरि आयख राज कुमरी,  
वुज्जनविथ भय-बन्ध सरी ।  
चानि यिन गाश आव जायि जाये ॥  
पम्पोश लागय अज्र पूजाये ।

सरस्वती रूप कोताह छुय सुन्दर,  
प्रारान छुय म्योन मन मन्दिर ।  
मन मन्दरस मंज्र करहय जाये ॥  
पम्पोश लागय अज्र पूजाये ।

होछमन्न पोशथर छस दिम सग च्रय,  
चानि शीतलतायि प्रारान वुन्य बय ।  
चानि शीतलतायिय हंज्र छम माये ॥  
पम्पोश लागय अज्र पूजाये ।

बोज्रतम यि वुन्य प्रार्थना म्यनी,  
छसय करान आराधना चनी ।  
चोन कोमल अथ प्यठ म्य साये ॥  
पम्पोश लागय अज्र पूजाये ।

## जय जय शारिका भगवतिये

जन्मुक दोह छुय मज्य पारवतिये  
जय जय शारिका भगवतिये ॥

अज्र छुय जन्मदोह मंजिहोर दोय,  
पादन करहय पूजा बय,



लोल पूजा छसय करान अज यतिये ।  
जय जय शारिका भगवतिये ॥

इशबर बालस प्यठ चोन दरबार,  
म्यनि भावपोश करत अज स्वीकार,  
यिमय पोश छिमय अशि सत्य छलिमतिये ।  
जय जय शारिका भगवतिये ॥

गुरुदेव शम्भू छुय सत्य सूती,  
दर्शन चानि सत्य यिवान शान्ति,  
थज गुरु - भक्ति छय भगवतिये ।  
जय जय शारिका भगवतिये ॥

शिवसय सूत्य सूत्य छख आसान,  
साधारण रूप छखच भासान,  
शिव - शक्ति छख पान सतिये ।  
जय जय शारिका भगवतिये ॥

यस मज्य छख पानय च टोठान,  
तस ज्ञानशक्ति पानय यिवान,  
सतची वथ हावान तस भगवतिये  
जय जय शारिका भगवतिये ॥

मजय वुनि अन्धकार कास्तम,  
असवनि मुख ब्रोंठ कनि भास्तम,  
पादन लागहय भाव कारिपतिये ॥  
जय जय शारिका भगवतिये ॥

न्यथ करहय चानि पूजायि संज,  
ध्यान चोन थव मनमन्दिरस मंज,  
करतम सुय अनुग्रह भगवतिये ।  
जय जय शारिका भगवतिये ॥



पाप कर्मव सत्य छस स्यठा भरी,  
अपज बय - बान्धय शुरि सरी,  
पज्ज चनी दया ब्ययि स्मृतये ।  
जय जय शारिका भगवतिये ॥

मज्जि छन ज्राहति अवगुण गंजरावान,  
दासन सतची वथ हावान,  
कर दया असि छि पापव वलिमतिये ।  
जय जय शारिका भगवतिये ॥

चानि भक्ति हंज छम म्य प्रीति,  
रोजान आस्तम म्य सूत्य सती,  
अरत्य नाद मन्य बोज्ज भगवतिये ।  
जय जय शारिका भगवतिये ॥

आयसय शरण अज पादन तल,  
मनकी मुशकिल करतमी हल,  
अराधना छसय करान अज्ज यतिये ।  
जय जय शारिका भगवतिये ॥

## मज्ज शारिका करत म्यति याद

मज्ज शारिका करत म्यति याद,  
अज्ज पूज्जहय चनि पंपोश पाद ॥

अज्ज च्योन जन्मदोह यति सतसंग,  
हृदय म्योन कुय चोनुय प्रंग,  
मनमन्दिरस मंज थव चनि पाद ।

अज्ज पूज्जहय चनि पंपोश पाद ॥

गनेमच्च असम मनस यहय कल,  
अज्ज प्रारह बति चानि डेढ़ि तल,  
माज्जिहन्दि दर्शन चलिहेम व्याघ ॥

अज पूजहय चनि पंपोश पाद ॥

मनमन्दिर म्योन छुय प्रारान,  
अछरछि पाद चनी छारान,  
थावतम मनस मंज बुज्यम नागराद ॥

अज पूजहय चनि पंपोश पाद ॥

प्रभा जी छय कोताह भाव भरान,  
भक्ति भाव सान छय सेवा करान,  
प्यठ गुरुदेवुन छुय आशीर्वाद ॥

अज पूजहय चनि पंपोश पाद ॥

अकि रूप छख पानय सरस्वती  
म्यति दित बुन्य ज्ञानचिय शक्ति ।  
मशिंरावतम मज्य पतिमुय याद ॥

अज पूजहय चनि पंपोश पाद ॥

आश्रमस मंज छख ज्योति स्वरूप  
प्रजलान चोन साधारण रूप,  
असवनि मुख छख दिवान आशीर्वाद ।

अज पूजहय चनि पंपोश पाद ॥

यि प्रार्थना म्यनि करत स्वीकार,  
यति चोनुय मज्य बोड़ दरबार ।  
अरत्यन अनाथन छख करान याद ।

अज पूजहय चनि पंपोश पाद ॥

